

Broj: 408/22
Datum: 6.09.2022. godine

ZAPISNIK

Sa 11. redovne sjednice Školskog odbora, održane dana 02.09.2022. godine u 18:00 sati u prostorijama škole

Prisutni članovi: Džanela Malkić – predstavnik Ministarstva, Indira Uzunović – predstavnik radnika, Samra Prašović predstavnik roditelja/staratelja. Nusret Aganović – predstavnik Općine Novo Sarajevo – opravdano odsutan.

Ostali prisutni: Đonlić Azra – sekretarka škole, i Nermina Planinčić, direktorica škole – putem video poziva

Sekretarka škole je dostavila članovima Školskog odbora materijal za sjednicu, pravovremeno, elektronskim putem.

Predsjednica je predložila sljedeći:

DNEVNI RED:

1. Usvajanje zapisnika sa desete (10.) redovne sjednice Školskog odbora;
2. Donošenje Odluke o raspisivanju Javnog konkursa za izbor direktora/direktorice škole
3. Donošenje Odluke o imenovanju Komisije koja provodi proceduru koja prethodi proceduri izbora i imenovanja direktora/direktorice škole
4. Informacija o fuzionisanju IV – 5 razreda na kraju školske 2021/22. godine
5. Informacija o inspekcijskom nadzoru br:UP-1-14-12-34-10968/22-12/07 od 13.07.2022. godine
6. Informacija o broju upisanih učenika prvog razreda za školsku 2022/23.godini
7. Tekuća pitanja

AD- 1 Usvajanje zapisnika sa desete (10.) redovne sjednice Školskog odbora;

Predsjednica je dala na izjašnjavanje članovima školskog odbora na Zapisnik sa 10. redovne sjednice školskog odbora. Članovi Školskog odbora se izjašnjavaju da nemaju primjedbi, sugestija i dopuna na Zapisnik sa 10. redovne sjednice Školskog odbora.

Nakon glasanja konstatuje se da je zapisnik sa 10. redovne sjednice Školskog odbora jednoglasno usvojen od strane svih članova Školskog odbora.

AD-2 Donošenje Odluke o raspisivanju Javnog konkursa za izbor direktora/direktorice škole

Predsjednica Školskog odbora informirala je članove Školskog odbora da mandat direktorici škole, Nermini Planinčić ističe 07.12.2022. godine, te da u skladu sa članom 3. Pravilnika o izboru, imenovanju i razrješenju direktora osnovnih škola u Kantonu Sarajevo ("Službene novine Kantona Sarajevo" broj: 2/18 i 32/18, 30/19) Školski odbor u prvoj sedmici u septembru tekuće kalendarske godine i donosi odluku o raspisivanju javnog konkursa za izbor direktora/direktorice škole

Na osnovu člana 94. i 95. Zakona o osnovnom odgoju i obrazovanju („Službene novine Kantona Sarajevo“ broj:23/17, 33/17, 30/19,34/20,33/21), i člana 3. i 4. Pravilnika o izboru, imenovanju i razrješenju direktora osnovnih škola u Kantonu Sarajevo ("Službene novine

Kantona Sarajevo“ broj: 2/18 i 32/18, 30/19), Školski odbor škole, na sjednici održanoj 02.09.2022. godine donosi

O D L U K U

o raspisivanju Javnog konkursa za izbor direktora/direktorice škole

I

Raspisuje se Javni konkurs za izbor direktora/direktorice JU OŠ „Hrasno“ Sarajevo na mandatni period od 4 godine.

II

Uvjeti za izbor i imenovanje direktora/direktorice škole utvrđeni su Zakonom o osnovnom odgoju i obrazovanju („Službene novine Kantona Sarajevo“ broj: 23/17 i 33/1730/19,34/20,33/21) i Pravilnikom o izboru, imenovanju i razrješenju direktora osnovnih škola Kantona Sarajevo (“Službene novine Kantona Sarajevo“ broj: 2/18 i 32/18, 30/19).

III

Na osnovu ove Odluke izvršiti oglašavanje Javnog konkursa u dnevnom listu „Dnevni avaz“ i na službenoj internet stranici Ministarstva za odgoj i obrazovanje Kantona Sarajevo sa rokom otvorenosti konkursa u trajanju od 15 dana.

IV

Sastavni dio ove odluke je i tekst konkursa za izbor direktora/direktorice škole.

O B R A Z L O Ž E N J E

Obzirom da direktorici škole ističe mandat u decembru 2022., pa shodno članu 3.stav (2) Pravilnika o izboru, imenovanju i razrješenju direktora osnovnih škola u Kantonu Sarajevo (“Službene novine Kantona Sarajevo“ broj: 2/18 i 32/18, 30/19) Školski odbor donosi odluku kao u dispozitivu.

AD – 3 Donošenje Odluke o imenovanju Komisije koja provodi proceduru koja prethodi proceduri izbora i imenovanja direktora/direktorice škole

Predsjednica Školskog odbora upoznala je članove Školskog odbora da se prilikom donošenja odluke o raspisivanju Javnog konkursa za izbor direktora/direktorice škole imenuje tročlana Komisija koja provodi proceduru koja prethodi proceduri izbora i imenovanja direktora/direktorice škole, čije su obaveze opisane u članu 3. Pravilnika o izboru, imenovanju i razrješenju direktora osnovnih škola u Kantonu Sarajevo (“Službene novine Kantona Sarajevo“ broj: 2/18 i 32/18, 30/19).

Na osnovu člana 94. Zakona o osnovnom odgoju i obrazovanju („Službene novine Kantona Sarajevo“ broj: 23/17, 33/17, 30/19,34/20,33/21), i člana 3. Pravilnika o izboru, imenovanju i razrješenju direktora osnovnih škola u Kantonu Sarajevo (“Službene novine Kantona Sarajevo“ broj: 2/18 i 32/18, 30/19), Školski odbor škole, na sjednici održanoj 02.09.2022. godine donosi

O D L U K U

o imenovanju Komisije koja provodi proceduru koja prethodi proceduri izbora i imenovanja direktora/direktorice škole.

I

Imenuje se Komisija koja provodi proceduru koja prethodi proceduri izbora i imenovanja direktora/direktorice škole u sljedećem sastavu:

1. Azra Đonlić, sekretar škole

2. Majda Halilović, nastavnica engleskog jezika
3. Alma Oković, nastavnica razredne nastave

II

Komisija ima obavezu da izvrši poslove u skladu sa članom 3. stav (2) tačka a), b), c), d), e), f) i g) Pravilnika o izboru, imenovanju i razrješenju direktora osnovnih škola u Kantonu Sarajevo („Službene novine Kantona Sarajevo“ broj: 2/18 i 32/18, 30/19).

III

Mandat Komisije traje do okončanja procedure za izbor direktora/direktorice škole po Javnom konkursu za izbor direktora/direktorice škole koji će biti objavljen u dnevnim novinama i službenoj internet stranici Ministarstva za odgoj i obrazovanje Kantona Sarajevo.

IV

Odluka stupa na snagu danom donošenja.

O B R A Z L O Ž E N J E

Na osnovu Odluke Školskog odbora o raspisivanju Javnog konkursa za izbor direktora/direktorice škole broj: 382/22 od 02.09.2022.godine, isti će biti objavljen u dnevnim novinama i službenoj internet stranici Ministarstva za odgoj i obrazovanje Kantona Sarajevo. Shodno tome, Školski odbor je, u skladu sa članom 94. Zakona o osnovnom odgoju i obrazovanju („Službene novine Kantona Sarajevo“ broj: 23/17 i 33/17, 30/19,34/20,33/21) i članom 3. Pravilnika o izboru, imenovanju i razrješenju direktora osnovnih škola u Kantonu Sarajevo („Službene novine Kantona Sarajevo“ broj: 2/18 i 32/18, 30/19), donio odluku kao u dispozitivu.

AD – 4 Informacija o fuzionisanju IV – 5 razreda na kraju školske 2021/22. godine
Direktorica škole obavijestila je članove Školskog odbora da je na kraju školske 2021/22. godine izvršeno fuzionisanje IV – 5 razreda u skladu sa članom 4.1 *3 Pedagoških standarda i normativa za osnovnu školu („Službene Novine Kantona Sarajevo“ br: 30/18), s obzirom da je broj učenika u razredu smanjio ispod minimuma.

AD – 5 Informacija o inspekcijskom nadzoru br:UP-1-14-12-34-10968/22-12/07 od 13.07.2022. godine

Sekretarka škole, Azra Đonlić informirala je članove Školskog odbora da su tri roditelja podnijela zahtjev za upis učenika u JU OŠ „Hrasno“ nakon isteka prvog zakonskog upisnog roka. Roditelji su dobili upute da zahtjev podnesu u augustu 2022. godine kada će biti raspisan vanredni upisni rok za učenike koji iz opravdanih razloga nisu upisani u prvom roku (februar 2022. godine)

AD- 6 Informacija o broju upisanih učenika prvog razreda za školsku 2022/23.godini

Direktorica škole informirala je članove Školskog odbora da je u školskoj 2022/23. godini upisano ukupno 110 prvačića, koji su raspoređeni u 4 odjeljenja.

AD- 7 Tekuća pitanja

Direktorica škole obavijestila je članove Školskog odbora o radovima u JU OŠ „Hrasno“ tokom ljetnog raspusta. Uz podršku Općine Novo Sarajevo škola postavljena je nova ograda, čime je povećana sigurnost i zaštita učenika.

Nadalje, direktorica je obavijestila članove Školskog odbora da je Općina Novo Sarajevo obezbijedila donaciju u vrijednosti 10.000KM, a u svrhu adaptacije školske terase, rekonstrukciju kanalizacionih cijevi u holu školu, te postavljanje betonskog puta do "Učionice na otvorenom", koju je škola ovog ljeta dobila kao donaciju kompanije l'Oreal u saradnji sa nevladinim sektorom Let s it. Očekivani završetak svih radova očekuje se 15.09.2022. godine.

Samra Prašović, predstavnik ispred Vijeća roditelja upoznala je članove Školskog odbora da određeni broj roditelja negoduje na usvojeni raspored časova za školsku 2022/23. godinu, te je sugerirala da se isti analizira i u koliko postoji mogućnost i izmijeni, posebno u nižim razredima, ukoliko ta promjena neće narušiti organizaciju rada škole.

Sjednica je završena u 18:30h.

Zapisničar

Sekretarka škole

Azra Đonlić

Predsjednica Školskog odbora

Džanela Malkić, prof

ZAKLJUČCI

1. Zapisnik sa 10. redovne sjednice Školskog odbora jednoglasno usvojen od strane svih članova Školskog odbora.
2. Školski odbor donosi Odluku o raspisivanju Javnog konkursa za izbor direktora/direktorice škole.
3. Školski odbor donosi Odluku o imenovanju Komisije provodi proceduru koja prethodi proceduri izbora i imenovanja direktora/direktorice škole.
4. Direktorica škole obavijestila je članove Školskog odbora da je na kraju školske 2021/22. godine izvršeno fuzionisanje IV – 5 razreda.
5. Sekretarka škole, Azra Đonlić informirala je članove Školskog odbora da su tri roditelja podnijela zahtjev za upis učenika u JU OŠ „Hrasno“ nakon isteka prvog zakonskog upisnog roka.
6. U školskoj 2022/23. godini upisano je ukupno 110 učenika prvog razreda.

Zapisničar

Sekretarka škole

Azra Đonlić

